

Juez kier manda mensahe bon cla cu no ta tolera mas 16 pa esun cu a mata y 12 aña di prison pa esnan cu a haci atraco arma na Papillon Snack Truck

ORANJESTAD(AAN) – Ayeramainta trempan Corte den Promer Instancia a dicta sentencia den e caso penal contra e hombernan Juan Quesada de los Santos, Hugo de los Santos y Eligio Guerrero, kendenan ta responsable pa e morto di Xavier Frans na Papillon Snack Truck.

EXIGENCIA DI FISCAL
Dia 12 di December 2003, Corte den Promer Instancia a trata e caso penal aki caminda Fiscal a muestra cu dia 28 di Augustus mas o menos 1.45 di madrugada, Xavier Frans a worde atraca y mata. Ora cu Polis a yega eynan, ainda Frans tabata na bida y a purba papia pero a muri dilanti e agentenan.

Polis a haci un tremendo investigacion cu a conduci na detencion di Juan, Hugo y Eligio. Fiscal a muestra cu ayudo di testigonan potencial, Polis a haya sa kendenan ta esnan cu a haci e atraco horroroso aki.

Fiscal a remarca cu durante tratamento di e caso por a mira cu tabatin tiramento di culpa riba otro ken a bin cu e plan.

Fiscal ta haya cu e hecho cu tur a bay di acuerdo, ta muestra cu nan ta complice. El a reaccion riba e comentario di Eligio cu a bisa cu el a keda sorprendi cu Frans a resisti contra e atraco. Fiscal a remarca cu Eligio no por kere cu Frans, cu a traha duro pa su placa, ta laga nan bay esaki asina facil. Ta asina cu en total nan a bay cu 1200 florin. Fiscal ta di opinion cu tin tur

indicacion cu e trio aki tabata sa kico cada un su trabao Fiscal a muestra cu Juan ta esun chofer cu a hiba nan y a facilita Eligio e cuchio, Hugo y Eligio a bay haci e atraco caminda Hugo a coy e caha di placa y Eligio ta esun cu a hinca Frans mata.

El a reacciona tambe riba e comentario di Juan y Hugo kendenan a bisa cu nan no ta responsable pa e morto di Frans. Fiscal a remarca cu asina cos no ta bay. El a muestra cu tin jurisprudencia cu ta muestra claramente cu Juan y Hugo tambe ta responsable pa e morto di Frans.


Fiscal ta kere cu mester manda un señal bon cla den comunidad cu no ta tolera atraco horroroso asina ariba nos pais. El a exige 16 aña di prison pa Juan, 12 aña di prison pa Hugo y Eligio.

SENTENCIA DI JUEZ
Ayeramainta Juez basicamente a confirma e exigencia di Fiscal. El a bisa cu e ta haya legalmente proba locual

e trio aki ta worde acusa di dje. E ta haya cu Juan a hiba Hugo y Eligio na e snacktruck y a keda warda nan. Juan a cumpra amoniak pa manda hende leu pero Eligio a cambia di plan. Juan a facilita Hugo e cuchio, kende na su turno a pasa Eligio esaki.

Juez ta haya cu Hugo a horta e caha di placa mientras cu Eligio ta esun cu a bringa cu Frans y a hinke mata. Juez ta considera e atraco aki horroroso cu a sacudi comunidad completo y a causa sentido di inseguridad. El a tene na cuenta tambe e hecho cu dia 12 di December, dia cu e caso a tuma lugar e señora di Frans a haya yiu y e yiu aki nunca lo sinti calor di su tata. Juez tambe a tene cuenta cu e hecho cu ta trata aki di personanan cu ta promer biaha ta cay den man di husticia.


El a condena Juan y Hugo na 12 aña di prison pa nan participacion na e atraco cu consecuencia fatal y a condena Eligio na 16 aña di prison pa



Hugo Estebe de los Santos ta esun cu a drenta den e snack truck hunto cu Eligio y bay cu e caha di placa den cual tabatin 1200 florin. E tambe a worde condena na 12 aña di prison.



Eligio Roberts Guerda ta esun cu a hinca Xavier Frans mata cu e cuchio cu ta di Juan. El a bisa cu si no tabata pa Juan e lamentable atraco aki no a sosode. El a worde condena na 16 aña di prison.



Juan Quesada de los Santos ta esun cu a cumpra amoniak den Circle K y ta esun cu a hiba Hugo y Eligio na Papillon Snack Truck. Tambe Juan ta esun cu a facilita e cuchio. El a worde condena na 12 aña di prison.

Corte Superior lo bay dicidi riba e caso aki.

NI ASINA TIN PAZ!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455



**Roto Pro
SPECIAL**

Afl. 19,95